

## ডিভি কার্যক্রমে প্রতারণা সংক্রান্ত প্রকাশিত খবরে যুক্তরাষ্ট্র দূতাবাসের প্রতিক্রিয়া

ঢাকা, ১০ই জুলাই -- বাংলাদেশের পত্রপত্রিকায় ডিভি ভিসা লটারির ক্ষেত্রে সম্ভাব্য প্রতারণামূলক কার্যকলাপের যে সকল প্রতিবেদন প্রকাশিত হয়েছে তার পরিপ্রেক্ষিতে যুক্তরাষ্ট্র দূতাবাস ঢাকা নিম্ন লিখিত বিবৃতি প্রকাশ করছে:

ডিভি ২০০৬ লটারি বিজয়ীদের সাথে প্রতারণামূলক যে সব ঘটনার প্রতিবেদন সম্প্রতি পত্র-পত্রিকায় প্রকাশিত হয়েছে যুক্তরাষ্ট্র দূতাবাস ঢাকা সে সব বিষয়ে অবগত রয়েছে।

যুক্তরাষ্ট্র দূতাবাস ঢাকা গুরুত্ব সহকারে জানাচ্ছে যে ভিসা সাক্ষাৎকারের দিনের আগে পর্যন্ত ডিভি কর্মসূচীর জন্য কোন প্রকার অর্থ প্রদান করতে হয় না। আবেদনকারীরা তাদের সাক্ষাৎকারের সময়ের আগে পর্যন্ত ডিভি লটারি সংক্রান্ত কোন তথ্যের জন্য কাউকে কোন অর্থ প্রদান করবেন না। সাক্ষাৎকার প্রদানের সময়ে তারা কেবলমাত্র সরাসরি দূতাবাসকেই অর্থ প্রদান করবেন।

কেউ যদি ডিভি লটারি জিতে থাকে এবং তাকে যদি বলা হয়ে থাকে যে সে কোন অর্থ না দেয়া পর্যন্ত তার কাগজপত্র তাকে দেয়া হবে না বা কোন ডিভি বিজয়ীর যদি অন্য কোন প্রশ্ন থাকে তাহলে তাকে সরাসরি [DhakaDV@state.gov](mailto:DhakaDV@state.gov) এই ঠিকানায় ই-মেইলের মাধ্যমে ঢাকাস্থ যুক্তরাষ্ট্র দূতাবাসে যোগাযোগ করতে অনুরোধ জানানো হচ্ছে। ডিভি সংক্রান্ত সকল প্রকার যোগাযোগের সময় অনুগ্রহ করে আবেদনকারীদেরকে তাদের ডিভি কেস নম্বর সংযুক্ত করতে অনুরোধ করা হচ্ছে।

ডিভি ২০০৬ লটারি বিজয়ী কেউ যদি এখনো তার সাক্ষাৎকারের তারিখ না পেয়ে থাকেন তাহলে তিনি যে কোন সোমবার সকাল ৯টার সময় তার ডিভি-র কাগজপত্রসহ দূতাবাসে আসতে পারেন (ডিভি-র কাগজপত্র ছাড়া দূতাবাসে প্রবেশ করতে দেয়া হবে না) অথবা দূতাবাসের ২ নম্বর

গেটে এসে একটি 'হলুদ ইনফর্মেশন ফর্ম' পূরণ করতে পারেন। কোন ডিভি আবেদনকারীর আবেদন বিবেচনায় নিয়ে আসতে হলে তাকে ১লা আগস্টের আগেই দূতাবাসে রিপোর্ট করতে বলা হচ্ছে।

=====

জিআর/ ২০০৬

**দ্রষ্টব্য:** এই নিবন্ধের ইংরেজি ভাষা 'আমেরিকান সেন্টার'-এ পাওয়া যাবে। যদি আপনি ইংরেজি ভাষাটি পেতে অগ্রহী হন, তবে 'আমেরিকান সেন্টার' প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল: [DhakaPA@state.gov](mailto:DhakaPA@state.gov) এবং Website: [dhaka.usembassy.gov](http://dhaka.usembassy.gov) এ যোগাযোগ করুন।